

→ HARI KEPUTERAAN

Adinda Sultan Selangor dahului senarai

→ Seramai 114 terima darjah, bintang sempena Hari Keputeraan Sultan Selangor

Klang

Adinda kepada Sultan Selangor, Tengku Puteri Nor Zehan Sultan Salahuddin Abdul Aziz Shah Alhaj, mendahului senarai 114 penerima darjah dan bintang kebesaran Selangor sempena ulang tahun ke-73 Hari Keputeraan Sultan Selangor, Sultan Shaharufuddin Idris Shah, semalam.

Tengku Puteri Nor Zehan yang juga Yang Dipertua, Rumah Amal Cahaya Tengku Ampuan Rahimah

(RACTAR) dikurniakan Darjah Kerabat Selangor Yang Amat Dihormati (DK II).

Panglima Angkatan Tentera Malaysia (ATM), Jeneral Tan Sri Panglima Zulkifli Zainal Abidin; bekas Peguam Cara Negara II, Datin Paduka Zauyah T Loth Khan dan Pengarah Urusan Khazanah Nasional Bhd Datuk Shahril Ridza Ridzuan adalah penerima Darjah Kelas Pertama – Darjah Kebesaran Seri Paduka Mahkota Selangor (SPMS), yang membawa gelaran Datuk Seri bagi lelaki dan Datin Paduka Seri (wanita).

Sementara itu, Tengku Puan Indera Setia Selangor, Tunku Irinah Tuanku Jaafar; Ahli Dewan di-Raja Selangor, Datuk Salehuddin Saidin dan Pro Canselor Universiti Putra Malaysia, Tan Sri Lim Ah Lek @ Lim Mok Siang menerima Darjah Kebesaran Datuk Setia – Sultan Sharafuddin Idris Shah (SSIS) (Kelas Pertama) yang membawa ge-

laran Datuk Setia bagi lelaki dan Datin Paduka Setia (wanita).

Istiadat pengurniaan darjah dan bintang kebesaran itu berlangsung di Istana Alam Shah di sini.

Penerima DPMS

Hakim Mahkamah Tinggi Shah Alam, Datuk Mohamad Zabidin Mohd Diah mendahului senarai sembilan penerima Darjah Kebesaran Datuk Paduka Mahkota Selangor (DPMS) (Kelas Kedua) yang membawa gelaran Datuk bagi lelaki dan Datin Paduka bagi wanita.

Penerima DPMS lain ialah Panglima Tentera Laut Diraja Malaysia (TLDM), Laksamana Datuk Mohd Reza Mohd Sany; Panglima 11 Briged ATM, Brig Jeneral Dr Mohd Radzi Abdul Hamid; Ketua Polis Selangor, Datuk Pahlawan Mazlan Mansor; Pengarah Touch Group Holdings Sdn Bhd, Tengku Datuk Muhammad Mazlan Tengku Putera Zainal Abidin; Pegawai Daerah Pe-

taling, Roslinah Md Jani; Pengarah Jabatan Perancangan Bandar dan Desa Selangor, Muhammad Ridzuan Arshad; Yang Dipertua Majlis Perbandaran Kajang, Mohd Sayuthi Bakar dan Profesor Fakulti Bioteknologi dan Sains Biomolekul, Universiti Putra Malaysia, Prof Dr Mohd Ali Hassan.

Selain itu, seramai 10 individu menerima Darjah Kebesaran Datuk Sultan Sharafuddin Idris Shah (DSIS) (Kelas Kedua) yang membawa gelaran Datuk bagi lelaki dan Datin Paduka bagi wanita.

Mereka adalah Panglima Pasukan Khas Laut (PASKAL), Laksamana Pertama Anuar Alias; Pengerusi Antara Holiday Sdn Bhd, Tan Sri Azman Shah Haron; Ketua Eksekutif Cancer Research Malaysia, Prof Dr Teo Soo Hwang; Dekan Fakulti Perubatan Veterinar Universiti Putra Malaysia, Prof Dr Mohd Hair Bejo; Ketua Pegawai Eksekutif TH Travel & Services Sdn

Bhd, Datuk Mohd Khalid Mohd Noordin dan Yang Dipertua Majlis Perbandaran Ampang Jaya, Abd. Hamid Hussain.

Turut menerima DSIS ialah Pengerusi Singapore GP Pte Ltd yang juga Ketua Delegasi Pasukan Singapura, Piala Sultan Selangor, Teo Hock Seng; Dekan Fakulti Komunikasi HELP University, Dr Khairuddin Othman; Ketua Pegawai Eksekutif, Education and Healthcare Division Sunway Group, Dr Lee Weng Keng dan Pengarah Eksekutif Teknikal dan Pengeluaran Nestle Philippines, Adnan Hisham Pawanteh.

Lima penerima Darjah Kebesaran - Ahli Kegemilangan Sukan Selangor (AKS) ialah atlet boling padang Sarjan Emma Firyana Saroji; atlet sepak takraw, Farhan Adam; atlet gimrama Amy Kwan Dict Weng; atlet pencak silat Muhammad Faizul M Nasir dan atlet tenpin boling Siti Safiyah Amirah Abdul Rahman. **BERNAMA**